

KERATAN AKHBAR

TARIKH : 22 JULAI 2025

AKHBAR : UTUSAN
MALAYSIA

MUKA : 30
SURAT

OPR kekal hingga pertengahan 2026

Ekonomi

KUALA LUMPUR (Indeks Komposit)	SINGAPURA (Straits Times)	TOKYO (Nikkei)	NEW YORK (Dow Jones)
↓ (-1.27) mata 1,524.59	↑ (+15.21) mata 4,204.71	↓ (-82.08) mata 39,819.11	↓ (-142.30) mata 44,342.19

INDEKS

MATA WANG	MINYAK	EMAS 999 (1 GRAM)	GETAH (SEN/RG)
ASIRIM 4,244.04 2480	WTI AS166.98/RM283.69	RM505.23	SMRCV 969.00
	BRENT AS168.87/RM291.70		SMRL 959.00
			SMRS 755.50

OPR kekal hingga pertengahan 2026

Oleh HENDRA WINARNO
hendra.winarno@mediamula.com.my

KUALA LUMPUR: Kadar faedah rendah dijangka terus kekal sekurang-kurangnya sehingga separuh pertama tahun hadapan, susulan pemotongan Kadar Dasar Semalaman (OPR) sebanyak 25 mata asas oleh Bank Negara Malaysia (BNM) baru-baru ini.

Ketua Pegawai Pelaburan CIMB Group, Ng Boon Hoa berkata, BNM dilihat mengambil pendekatan berhati-hati dalam menyokong pertumbuhan ekonomi negara, khususnya ketika berdepan risiko kelembapan global dan ketidakpastian rundingan tarif yang masih belum dimuktamadkan oleh Malaysia.

"Kami menjangkakan BNM akan mengekalkan kadar faedah pada paras semasa 2.75 peratus sekurang-kurangnya sehingga pertengahan tahun 2026.

"Agak sukar untuk membuat unjuran tepat bagi 2027 dan tahun-tahun seterusnya memandangkan faktor luaran sentiasa berubah," katanya selepas sesi pembentangan Tinjauan Pasaran ASEAN sempena Hari Media Kumpulan CIMB 2025: Menerajui Kemajuan di ASEAN, semalam.

Menurut beliau, langkah penurunan kadar baru-baru ini merupakan tindakan awal (preemptive) untuk menyerap ketidakpastian dalam pertumbuhan ekonomi



BNM menurunkan OPR sebanyak 25 mata asas kepada 2.75 peratus baru-baru ini.

dalam masa terdekat.

"Sekiranya kadar semasa ini berjaya merangsang pertumbuhan, BNM berkemungkinan besar kekal selesa dengan paras tersebut.

"Kenaikan kadar hanya akan dipertimbangkan jika terdapat pengukuhan pertumbuhan yang ketara, berkemungkinan pada 2027 atau 2028, itu pun mungkin hanya sekali atau dua kali," ujarnya.

Mengulas mengenai aliran masuk dana asing, beliau berkata, pasaran bon tempatan ketika ini menerima manfaat daripada aliran tersebut, sekali gus meningkatkan kecairan dalam sistem kewangan dan menyokong kadar pinjaman yang lebih rendah.

Bagaimanapun katanya, aliran masuk yang terlalu besar berisiko menyumbang kepada tekanan inflasi dalam jangka masa panjang dan memerlukan pemantauan rapi oleh pihak berkuasa monetari.

"Dana asing boleh keluar dan masuk dengan pantas. Kita perlu berhati-hati. Nilai ringgit memang menunjukkan sedikit pengukuhan hasil aliran masuk ini, tetapi pergerakan mata wang boleh berubah secara mendadak," katanya.

Dalam pada itu, menyentuh mengenai tarif, beliau berkata, walaupun tarif import pada kadar 25 peratus bermula 1 Ogos lalu masih dikenakan, rundingan perdagangan dengan AS masih belum selesai dan nilai dagangan Malaysia masih menunggu kepastian.

"Bagi penguasaan skop Cukai Jualan dan Perkhidmatan (SST) yang lebih luas pula turut mencetus kebimbangan tentang kenaikan harga dan tekanan inflasi, sekali gus melemahkan permintaan pengguna.

"Walaupun bagaimanapun, titik infleksi dijangka datang daripada aliran masuk dana asing.

"Pegangan asing dalam ekuiti Malaysia kini rendah dan sebarang kenaikan akan menyumbang kepada impak positif," katanya.

Beliau juga melihat potensi pelaburan langsung asing (FDI) dalam sektor pusat data di Johor dan zon ekonomi khas bersama Singapura sebagai pemangkin kenaikan pasaran ekuiti negara.